

Compagna e dà a poscibilità a tutti i sòcci de segoine anche da-a lontan.

Ma aloa, se ese sòcci o no veu dî ese di abonæ a-o Boletin (levemmoselo d'inta testa 'na vòtta pe tutte), cöse veu dî ese sòcci da Compagna? Pe primma cösa veu dî voei ben a Zena e a-a Liguria e sentî o fòrte dexideio de testimonialo co-o fâ senpre ciù fòrte a Compagna, l'asociaçion ch'a l'é nasciua pròpio pe difende i valoî, a coltua, e tradiçion e a lengoa do pòpolo zeneize e ligure. Ancheu semmo quarcösa comme setteçento sòcci e riêscimmo a fase sentî. Pensæ che fòrsa aviescimo se fiscimo in treimilla! A Zena e a Liguria avieivan 'na voxe inportante pe o ben da Liguria "a-o de feua e a-o de d'äto de ògni fede politica e religioza" (art. 2 do Statuto vigente).

Ma ese sòcci veu dî, pe chi peu, parteçipâ a-e inçiative da Compagna, e son tante. Ma veu anche dî, pe chi gh'à do tempo e da coæ, rendise disponibili pe dâ 'na man òperativa a-a Compagna.

In ciù, m'è cao evidenciâ che i sòcci peuan vantâse d'avei contriboio a tutte e inçiative da Compagna: o restaoro do monumento a Balilla (4.637,00 €), o restaoro de documenti de l'Archivio de Stato (1.607,00 €), o restaoro do Pallio de S. Agostin (4.000,00 €), o riordino de l'archivio Guidoni presso a Fondaçion Mario Novaro (1.500,00 €), o restaoro de figurinn-e do prezepio de Votri (900,00 €), pe çitane solo in pö.

E za ch'ò parlòu di sòcci che se ne van, veuggio segnalâ che tanti nonni (e mi son tra quelli) iscrivan in Compagna nevi e nesse perché veuan lasciaghe un di regalli ciù grandi: l'amò pe Zena e pe-a Liguria inta forma de 'na longa militansa in Compagna. Fa veramente strenze o cheu riçeive a comunicaçion che 'n nòstro sòccio o l'è mancòu insemme a-e dimiscioin do nevo ò da nessa: o nònno o ghe tegniva tanto, ma o figgio o no l'à respetòu a voentæ do poæ. Spero solo che avei scritto sta nòtta chi a fasse vergheugnâ in stisinin chi se conpòrta coscì.



DUE PREZIOSE E SPECIALI DONAZIONI

di Mauro Ferrando, Console Bibliotecario

Cari Soci,

ho il piacere di annunciare che la nostra biblioteca ha ricevuto due interessanti e preziose donazioni di libri da parte delle socie Maria Maira Niri e Francesca Di Caprio Francia, che ringraziamo per la loro generosità e il loro amore per Genova e la sua cultura.



Maria Maira Niri



Francesca Di Caprio Francia